



DIARIO ARUBANO

Arubaanse Courant

Diahuebs 12 di December 1963

Maria di Seri'Noka den teatro aire liber experimento exitoso

Santa Cruz, 10 december.

Mas cu 500 0 hende a goza Diadomingo di e promer presentacion di e comedia titula Maria di Seri'Noka cual a worde presenta door di e grupo di comedia Arubano Mascaruba den e teatro na aire liber na Santa Cruz, Teatro Seri'Noka. E presentacion aki di un comedia na aire liber, cual na Aruba ta un experimento endudablemente por worde yama un exito, apesar di algun fallonan tecnico cual de bez en cuando a tuma lugar durante e promer anochi. Unicamente fallonan tecnico nos por bisa como cu e actornan cada uno a muestra un gran dominio di nan rol, cual en total a duna un comedia hunga na un manera liber y excelente.


Lastima cu hopi hende no a mira e comedia manera cu nan lo tabata kier pa motibo cu e lugarnan tabata mucho yen. Hopi tabatin di keda para of sinta na un lugar caminda nan a mira e comedia parcialmente. Banda di nuebe or sr. Boy Escalona e narador di e anochi cu a haci un trabao formidabel a introduci a storia di e comedia na e presentenan, e.o. depuradonan, miembronan di eilandsraad y cleronan. Segun e comedia tabata continua el a conta e storia di un hobencita cu na chiquito ta worde batiza katholiko pero despues ora cu e bira grandi door di contratiempo y desgusto ta dicidi di busca yudanza cerca diablo. ASINA Maria di Seri'Noka pa siete anja largo ta biba cu e diablo cu a transforma su mes den figura di hende y ta yama su mes Diego Tortin. Siete anja largo Diego Tortin yuda pa su spiritunan infernal ta usa Maria como un instrument pa gana tanto alma cu ta posibel pa fierno. Apesar di hopi busca mento di e padrina di Maria, e cacique Golmir e no ta logra hanja su iha back durante e siete anjanan, pero un dia Maria no por risisti mas y kier bai bishita su hendenan entre otro Galmir. Ora cu e bolbe for di Santo Domingo pa Aruba, despues di mira un procesion e ta hanja arpentimento di su maldadnan y ta binden conflicto cu Diego Tortin e satanas cu a consecuencia di tur cos kier gana e alma di Maria. E ta purba mata pero e no ta logra. Despues e ta purba kita Golmir for di caminda como cu e ta considera esaki como esun cu ta strobé di gana alma di Maria door di su debocion y rezamento pa su iha. Alfin Golmir ta domina satanas y ta hiba Maria te Roma serca Papa pa e busca pordon. Maria ta hanja un penitencia masha pisa cual door di un milager e ta logra cumpli y asina ta hanja pordon pa su picanan.

Lula Marchena kende a hunga e papel di Maria, tabtin un rol cu casi nan por bisa tabata traha pe. Cu cada acto Lula tabtin e sympatia di e mironesnan, no unicamente pa motibo di e rol trahico cual e tabata hunga, pero endudablemente door di e manera realistico cu e tabata hunga esaki. Hunto cu sr. OSLIN Boekhoudt kende a hunga pa e satanas e pareha aki, kendenan tabatin e rolnan principal di e co-

media a forma e centro di grupo di e comedia aki. Senor Boekhoudt no tabatin un rol facil. Of e tabata Satanas den figura di Don Juan, debedor y muherero. Tur e papelnan aki sr. Boekhoudt a interpreta excelentemente. Domi Tromp como e cacique Gomir, e homber luchador pa su iha Maria, ta muestra un di e hendenan di antes kende ta existi respet di tur otro ciudadano pero cu pa Dios ta baha cabez y ta para cla pa lucha cu satanas. Tambe e otro actornan manera Christina de Freitas comotantan pleitista, kendenan anteriormen- te diferente biaha nos amira hun-

ga un of otro rol den anterior comedlanan di Mascaruba a muestra nan calidad como hungadornan di comedia. Cu combinacion di e coro Vivons en Chantant e grupo di baile di Geechi Pleeters, e comedia a forma un completo agrupacion cu endudablemente lo cosecha hopi exito cu e resto di actuacion, mescos of mas mihor ainda cu Diadomingo anochi, manera e fluitmento di loudspeakersnan cendemento di cierto luznan mucho tempran of paplamente of gritamento cu ta forma estorbo pa e actornan y oyentenan tras di e tereno caminda tabata worde actua. Pero un biaha mas nos ta bisa cu esaki ta promer presentacion di tal caliber y di tal forma den un teatro na aire liber na Aruba, cual apesar di estorbonan chiquito tabata un gran exito, cual siguramente ta e corona ariba e trabou di e regisor di Sticusa cu a dirigi e comedia aki, esta e trabao di e regisor di Sticusa encansabel di Mascaruba den e ultimo anjanan. Na fin di e comedia Lula Marchena a ricibi merecidamente un boeket for di Boy Escalona.

HUMA UN CIGARIA
VERDADERO
HUMA UN
CAMEL



FAVORITO DI ARUBA